

Početna misija novog nizozemskog donatorskog projekta – GeoConnect

18.04.2025 14:42



Početna misija projekta *GeoConnect*, novog donatorskog projekta Kraljevine Holandije, održana je 17. i 18. aprila 2025. godine u Sarajevu, u prostorijama Federalne uprave za geodetske i imovinsko-pravne poslove (FGU).

Radionici su prisustvovali predstavnici FGU, akademske zajednice (Univerzitet u Sarajevu, Sveučilište u Mostaru), Kadastera iz Holandije, KU Leuven iz Belgije te ITC – Fakulteta za geoinformatičke nauke i daljinsko istraživanje Univerziteta Twente.

Tokom dvodnevne misije postignuto je zajedničko razumijevanje o ciljevima projekta, ključnim zadacima i očekivanim rezultatima u okviru tri komponente:

- **Outcome 1** – Jačanje kapaciteta
- **Outcome 2** – Standardizacija podataka
- **Outcome 3** – Društvena angažiranost

Također su dogovorene prve aktivnosti, uključujući razvoj kurikuluma, organizaciju tehničkih radionica, studijskih posjeta i drugih edukativnih sadržaja.

Projekat *GeoConnect* rezultat je dugogodišnje saradnje Federalne uprave za geodetske i imovinsko-pravne poslove s vodećim evropskim institucijama u oblasti geoprostornih podataka. Implementaciju projekta predvodiće **Kadaster International** (holandska agencija za katastar, zemljišne registre i mapiranje) i **ITC – Univerzitet Twente**, u partnerstvu sa Građevinskim fakultetima Univerziteta u Sarajevu i Sveučilišta u Mostaru, te **KU Leuven**.

Ciljevi projekta uključuju:

- Unapređenje kapaciteta koordinacionog tijela i subjekata Infrastrukture prostornih podataka (IPP) u Federaciji BiH kroz specijalizovane treninge i mentorstvo;
- Razvoj standardizovanih i interoperabilnih geoprostornih podataka u skladu s INSPIRE direktivom Evropske unije;
- Podizanje svijesti o značaju prostornih podataka za upravljanje javnim resursima, održivi razvoj i donošenje odluka zasnovanih na podacima.

Projekat će trajati četiri godine, a njegova realizacija uključivat će niz aktivnosti poput tehničkih radionica, studijskih posjeta, edukativnih programa i javnih kampanja za povećanje svijesti.

Federalna uprava za geodetske i imovinsko-pravne poslove, kao glavni korisnik i koordinator projekta u Federaciji BiH, ističe značaj ove inicijative za jačanje odgovornog upravljanja i pripremu Bosne i Hercegovine za buduće članstvo u Evropskoj uniji.

Zahvaljujemo svim partnerima na ukazanom povjerenju i radujemo se zajedničkoj implementaciji ovog strateškog projekta.





```
// Load JS file theme Galleria.loadTheme('files/galleria/themes/classic/galleria.classic.min.js'); // Initialize
Galleria Galleria.run('#gallery-1' , { width: 'auto', height: 500, transition: 'fade', initialTransition:
'undefined', clicknext: false, showImagenav: true, showCounter: true, lightbox: false, imageCrop: false,
imageMargin: 0, imagePan: false, carousel: true, carouselSpeed: 200, carouselSteps: 'auto',
pauseOnInteraction: true, show: 0, showInfo: true, thumbnails: true, thumbCrop: true, thumbMargin: 0,
thumbQuality: true, easing: 'galleria', transitionSpeed: 400, popupLinks: false, preload: 2, debug: true,
queue: true, imagePosition: 'center', maxScaleRatio: 0, swipe: true, fullscreenDoubleTap: true,
layerFollow: true, imageTimeout: 30000, fullscreenCrop: 'landscape', fullscreenTransition: 'undefined',
touchTransition: 'undefined', keepSource: false, trueFullscreen: true, responsive: true, wait: 5000,
idleMode: true, idleTime: 3000, idleSpeed: 200, thumbDisplayOrder: true, maxVideoSize: 'undefined',
videoPoster: true, thumbPosition: 'center' });
```